

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 46. Zakona o izvršavanju budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22) i članovima 5. i 6. Programa utroška sredstava za 2022. godinu sa pozicije „Tekući transfer za predškolski odgoj i obrazovanje“, broj: 02-11-1181/22 od 20.01.2022. godine, na prijedlog Ministarstva za obrazovanje, nauku, kulturu i sport, Vlada Zeničko-dobojskog kantona, na 146. sjednici, održanoj dana 17.03.2022. godine, d o n o s i

ODLUKU

o odobravanju sredstava sa pozicije 614200 MAD 206 „Tekući transfer za predškolski odgoj i obrazovanje“, Budžeta Zeničko-dobojskog kantona za 2022. godinu

Član 1. (Predmet)

Odobravaju se sredstava ustanovama predškolskog odgoja i obrazovanja sa područja Zeničko-dobojskog kantona koje su uključene u realizaciju Programa obaveznog predškolskog odgoja i obrazovanja za djecu u godini prije polaska u osnovnu školu za 2022. godinu, planirana u Budžetu Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), na poziciji 614200 MAD 206 „Tekući transfer za predškolski odgoj i obrazovanje“, a u skladu sa Programom utroška sredstava sa pozicije „Tekući transfer za predškolski odgoj i obrazovanje“ za 2022. godinu, broj: 02-11-1181/22 od 20.01.2022. godine.

Član 2. (Dodjela sredstava)

Ovom odlukom dodjeljuju se dodatna sredstava ustanovama predškolskog odgoja i obrazovanja koje su uključene u realizaciju Programa obaveznog predškolskog odgoja i obrazovanja, prema broju dodatno formiranih odgojnih grupa i broju angažovanih nastavnika za izvršenje Programa obaveznog predškolskog odgoja i obrazovanja u skladu sa pedagoškim standardima i normativima za predškolsko obrazovanje, a kako je navedeno u sljedećoj tabeli:

R. br.	Ustanova predškolskog odgoja i obrazovanja	Broj dodatnih odgojnih grupa	Broj angažovanih nastavnika	Sredstva za isplatu bruto plaća i naknada angažovanim nastavnicima	Sredstva za materijalne troškove ustanova	Ukupno (KM)
1	PU za POIO „Mumi“ Žepče	1	0,5	2.677,50	300,00	2.977,50
2	PPU "Mašta" Zavidovići	1	0,5	2.677,50	300,00	2.977,50
3	JU „Dječiji vrtić“ Maglaj	3	1,5	8.032,50	950,00	8.982,50
Ukupno ustanove predškolskog odgoja i obrazovanja za 2022. godinu		4	2	13.387,50	1.550,00	14.937,50

Član 3.
(Ovlaštenje)

U cilju realizacije sredstava odobrenih članom 2. ove odluke, ovlašćuje se ministar Ministarstva za obrazovanje, nauku, kulturu i sport da izvrši potpisivanje Aneksa ugovora o prenosu sredstava za realizaciju Programa obaveznog predškolskog odgoja i obrazovanja za djecu u godini prije polaska u osnovnu školu za 2022. godinu sa predstavnicima ustanova predškolskog odgoja i obrazovanja sa područja Zeničko-dobojskog kantona.

Član 4.
(Izvještavanje)

Ustanove predškolskog odgoja i obrazovanja sa područja Zeničko-dobojskog kantona koje su uključene u realizaciju Programa obaveznog predškolskog odgoja i obrazovanja za 2022. godinu, dužne su Ministarstvu za obrazovanje, nauku, kulturu i sport, po završetku Programa, podnijeti izvještaj o namjenskom utrošku doznačenih sredstava.

Član 5.
(Realizacija odluke)

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svojih nadležnosti.

Član 6.
(Stupanje na snagu)

Ova odluka stupa na snagu danom donošenja, a objavit će se u „Službenim novinama Zeničko-dobojskog kantona“.

Broj: 02-11-4372/22

Datum, 17.03.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x „Službene novine Zeničko-dobojskog kantona“,
1x a/a.